


Wët Puoth Yam






Tëwën ye pëi Elithabeth dätem, ke Nhialic tooc atuönyde Gabriel gen Nadharet tö pan Galilia, tënë nyan bïm cöl Maria, ku ë thieek mony cöl Jothep, raan dhiënh Bënyñaknhom Debit. Go atuny Nhialic bën tënë ye ku lueel ëlä, “Madho, yïn athiaj dhëënj Nhialic. Bänyda atö ke yï!” Go Maria riöc ku muum nom wën piñ yen wëlkä, ku thöönj yepuöu käk tö ë wët kënë yic. Go atuny Nhialic lueel tënë ye, “Duk riöc Maria, yïn anhiëer Nhialic. Yïn abï meth yök, manh moc. Ku na la dhiëeth ka ba cäk ke cöl Jethu. Abï ya raandit apei Nhialic nom. Ku abï cöl Wën Nhialic Madhöl. Ku Nhialic Bänyda abï bäany Debit wundit yiëk ye, ku abï ya bëny pan yï Jakop akölriëc ëbën, ku bäanyde aciï bi thök alanden!” Go Maria lueel, “ÿen alony Bänyda, abï looi tënë ya cïmën wëtdu.” Go atuny Nhialic jäl.

Luka 1:26-33 & 38



Go Jothep jäl Nadharet tö Galilia bi la gen Bënyaknhom Debit, tö pan Judia cöl Bethalem, rin ye yen raan dhiënh Debit. Acï la bik rienken la göt kek Maria wic kacken bik gäm ye, ku ë liac. Tëwën rëer kek Bethalem, ke nin bi Maria dhiëth thök. Ku dhiëth wënde, ku der köu alath ku tëëu diaany yic wën liiu tënë anïin yön jööl.

Luka 2.4-7



Ku kɔc biöök aake rëer pan wën,ku aake ruu tiët ë thäkken. Kaam wën ka atuny Nhialic tul kelöm ku ruel yer Nhialic keköth bï ke riaal. Gokë riöc apei. Go atuny Nhialic lëk ke, “Duökkë riöc, ee, wët path yen alëk we, wët bï thäi ëbën puöth miet thïn. Rin akölë, gen Debit tën, Bëny Pïr kɔc aci dhiëeth, ku yen ë Raan cï Nhialic lɔc ku dɔc. Ku abäk ɳic këlä, wek aabï meth yök, manh cï der köu alath, ku aci tööu gɔl cök.” Kaam awën ka atuuc juëc kök met röt thïn ku leckë Nhialic ku luelkë,
“Yeku Nhialic door, Aciëŋ tö nhial, ku döör pinynhom tënë kɔc nhiëer.”

Luka 2.8-14



Ku jol Jethu dit ku ril apei, ku njic käng ku döc Nhialic.

Luka 2.40



Tëën, go Joon kɔc aa piöc tēde ë rot. Nawën gamkë wētde ke muɔc nhïim, ku ye lëk ke ëlä, “Pälkë luoi adumuööm ku calkë röt aa muɔc nhïim, yen abi Nhialic adumuöömken päl piny.” Kɔc juëc pan Judia ku gen Jeruthalem aaci wet tēnë ye, ku lekkë adumuöömken, ku jöl Joon ke muɔc nhïim wär Jordan. Joon ë ye ceŋ alëth cï looi nhiëm thöröl, ku ceŋ gɔɔp yen aŋum, ku müith ke ye cam aa kɔryom ku kiëc. Ku ë ye lëk kɔc, “Raan bi bën ë nin thiökkä adit ku aril tēnë ya apei. Yen acii thöŋ kek ye, nadë ke ya cɔk guŋ ba warke dök. Wek aaya muɔc nhïim pïu, ku yeen abi we muɔc nhïim Wëi Nhialic.”

Ye nïnkä yiic ke Jethu bö gen Nadharet tö pan Galilia tēnë Joon, ku muɔc Joon nom wär Jordan. Tëwën bi Jethu bei piuic, ke tïŋ nhial ke liep rot ku tïŋ Wëi Nhialic ke bö yenhom ke cït kuur ë dit. Ku piŋ röl Nhialic nhial ke lueel, “Yin ë manhdiën nhiaar, yen amit puöu ke yi.”

Marko 1.4-11




Go Jethu kacken wic cɔɔl ku jiël ke ke, ku lek gat nhïim tã cïi ceŋ.
Wën cï kek yet tën awën, ke kuëny raan thiäär ku rou bei kɔc yiic.
Ku ciëk ke ke cɔl atuuc ku lëk ke, “Wek aca kuany bäk rëer ke ya.
Ku wek aba ya tuɔɔc ayeer bäk wëtdië aa la piöc. Ku wek aabi la
riel bäk jakrec aa cuɔp wei kɔc gup.”

Marko 3.13-15



Raan akut Parathï cɔl Nikodemo, ku ë ye raandit kɔc Itharel ë tɔ thïn, naɣɔn akɔu wëer tɔk ke la tënë Jethu ku lueel, “Raan piöoc, aɳicku yïn ë raan piöoc cï Nhialic tooc. Rin acïn raan loi käk jänɣ göi cimën yïn, të liu Nhialic kek ye.” Go Jethu bëer, “Yïn alëk yic, acïn raan bi bäany Nhialic tïn, të cïi ye ben dhiëeth dhiën dët.” Go Nikodemo lueel, “Bi raan ben dhiëeth kädë? Lëu bi dhuk man yäc bi jäl ben dhiëeth?” Go Jethu bëer, “Wët yic alëk yï, raan këc ben dhiëeth ë pïu ku Wëi Nhialic, acïi bäany Nhialic bi yök. Raan aye dhiëeth kɔc ë path, ku Wëi Nhialic ë pïr yam ye Nhialic gäm kɔc.” Joon 3.1-6



Nawën ke Jethu la gen
Nain, ku ë cath kek kacken
ye buooth ku koc juëc kök. Nawën dötke
geu ke räm kek koc ket raan cï thou. Ku raan
cï thou ë ye wän töj. Ku koc juëc aake cath
kek tiñ lëer kënë. Nawën tiñ Jethu tiñ kënë, ke
neeryic ku lëk ye ëlä, “Duk dhiau.” Ku lëk koc
bik kööcku goot biöñ awën cï raan kuöm piny, ku lueel, “Riënythii,
jot rot.” Go riënythii awën cï thou rot jot ku jiëem ku col Jethu ajiël
kek man. Go raan ëbën riöoc ku leckë Nhialic ku luelkë, “Raan käk
Nhialic tiñ ril apei acï tuöl ë kamkua. Ku Nhialic acï bën bi kacke
bën luök.”

Luka 7.11-16



Nawën cieeth Jethu piny ke tñj kɔc juëc ke bö tënë ye, go Pilipo thiëc, “Ye tēno bī yɔk miëth kueth kɔc ëbën yɔɔc thïn?” Acī kënë lueel ku bī Pilipo them, rin njic yen kë bī looi. Go Pilipo bëer, “Rin bī raan tɔk ayum thin-nyɔɔt yök, ka wïc wëüu juëc apeï bī ayuöp yɔɔc.” Go Andria, mënh Thaimon Pïter, ku ë ye raan tɔk kam kɔcken ye buɔɔth lueel, “Dhök atö thïn tēn ke muk ayuöp kadhiëc ku rec karou, ku aaciï kɔckä ëbën bī lëu.” Go Jethu lëk ke, “Calkë kɔc anyuc piiny.” (Ku noon ë dīt thïn ë tēn. Go kɔc nyuc ëbën piiny.) Ku rööer kepëc aake ye tēcīt tēn tiim kadhiëc. Go Jethu ayuöp lööm ku leec Nhialic, ku tek ke tënë kɔc wën cī nyuc ëbën. Ku ben looi këya kek rec, bī raan ëbën kueth cīt tē wïc. Wën cī kek kueth ëbën, ke lëk kɔcken ye buɔɔth, “Kuanykë abëk cī dōñ piny, bī ciën kë riääk.” Gokë ke kuany ëbën, ku thiõjkë gäc thiäär ku rou abëk ayuöp cī dōñ piny, tënë ayuöp kadhiëc wën cī ke tëk kɔc bīk cam. Nawën tñj kɔc wën luoi ril cī Jethu looi ke luelkë, “Kënë ë raan käk Nhialic tñj yen aci dhiel bën pinyhom.”

Joon 6.5-14




Nawën cï piny cuol, ke kacken ye buooth la piny wär thok, ku lek riäi yic, ku dhukkë ciëen wär alontui lon Kapernaum. Nawën ke wëer jol yic dît ke Jethu not këc bën tënë ke. Kaam wën ke yomdît jot rot ku loi atiaktiak rot apeï. Ku kacken ye buooth, aake ye təcit meel kadiäk ayï nuan wën tñj kek Jethu ke cath pïu nhïim, ke bö tětthiök kek riäi, gokë riöc apeï, Go Jethu lëk ke, “Duökkë riöc, ee yen.” Gokë jat riäi yic, ku go riäi guo yet wär thok tëwën le kek thïn. Joon 6.16-21



Koc kök aake ye mïth bëëi tënë Jethu bë ke bën döc, go koc Jethu buoöth ke läät. Nawën la Jethu kë looi atuöccke tiñ, ke dak puöu ku lueel tënë ke, “Calkë mïth aabö tënë ya, duökkë ke pën. Raan wïc ye bë la bääny Nhialic yic adhil gam cïmën ë mïth thiikä. Alëk we, raan wïc ye bë bääny Nhialic yök adhil wët Nhialic gam, cïmën ye manh koor wët koc ke dhiëth ye gam.” Ku cöol mïth yelööm ku tëü yecin kenhïim ku döc ke.


Marko 10.13-16



“Yen abiön path. Abiön path aye wic bi thou rin amälke.”

Joon 10.11

“Amälkië aa röldië piñ ku keek añiec ku keek aa ya buooh
cök. Pír akölrüec ebën aba yiek ke, ku keek aaciü bi kañ thou
atheer, ku acin raan lëu ye bi ke rum tënë ya.” Joon 10.27-28




Go kɔc akut Parathī ku kɔc kāk Nhialic mat kek bēny luk, ku luelkē,
“Buk nō looi? Mony kēnē ee luoi ril apei looi! Na pālku bī la tueŋ kēla,
ke kɔc ēbēn abī wētde gam, ku bāny Roma aabi bēn bīk luaŋ Nhialic thuör
piny ku reckē panda.” Go Kaipa yen ye raandit kɔc kāk Nhialic ē ruön
kēnē luel, “Wēt tōk akuöckē! Cāk ye tiŋ lɔn aŋuēēn tēnē we bī raan tōk
thou rin kɔc, tēn tē bī wuönda riääk ēbēn?” Ku akēc wēt kēnē luel piände
ē rot, ku ē rin ye yen raandit kɔc kāk Nhialic ē ruön kēnē. Ku ē luel kāk
tueŋ bī röt looi lɔn bī Jethu thou rin thän Itharel, Ku acie rienken kepēc,
abī thou aya bī mīth Nhialic cī thiēi pinynhom kuööt yiic bīk aa tōk. Joök
eköl kēnē ke bāny aake guir röt bīk Jethu nök.

Joon 11.47-53



Nawën la thëi bën ke Jethu nyuc kek kacken ye buoöth kathiäär ku rou bik mïth. Tëwën mïth kek ke lueel Jethu, “Wek alëk yic, raan tök kamkun abä luomwei.” Gokë puöth riääk apeï ku gëikë, ku thiëckë tök-kutök, “Makei! Ye yic? Ye yën Bëny?” Go Jethu bëer, “Ee raan tök kamkun lut yecin kek ya aduök yic, yen ë raan bi ya gaany.”


Matheo 26.20-23



Ku kueth apuruuk kɔc karou aya, kɔc la gup awuɔcdit tet bik ke la nɔk kek ɛ Jethu. Nawën lek tɛ cɔl Ithkal dɔɔt, ke piëet Jethu tim cï rïiu kɔu ku kɔc awën karou, raan tɔk lɔŋ cuëc ku raan dët lɔŋ cam. Luka 23.32-33



Go raan tɔk kam kɔc awën cï piäat kek ye lat ku lueel, “Cïi ye Raan cï Nhialic lɔc ku dɔɔc? Kony rot ku kony ʏo aya.” Go raan dëëtɛ puɔu riäak ku nyieeny, “Cïi ye cak riöc Nhialic agut tɛ thou yin aya? ʏok aaci tɛm thou cimënde. Ku awäcda adhilku jɔt rin ʏok aa col kɛ cuk looi, ku mony kënë acin këreëc cï looi.” Ku lueel tënë Jethu, “Tak ʏa tɛ ʏeet yin Bäanydu yic.” Go Jethu lëk ye, “Yin alëk yic, yaköl yin abi rëer kek ʏa pan Nhialic.”

Luka 23.39-43



Nawën təcit aköl ciel yic ke muöth loi rot pan awën, ku cii aköl ruel yet tään aköl. Ku tēwën ka alanh ye gëëj bī luaŋ Nhialic tek yic alon thīn rēet yic rou. Ku cöt Jethu röldit ku lueel, “Wä, wëikië aaca than yicin.” Acī wëlkä lueel ku thou. Nawën tiŋ bāny apuruuk kē cī rot looi, ke lec Nhialic ku lueel, “Mony kënë ë ye raan path alanden.”

Luka 23.44-47





Wën col piny, ke mony ajak gen Arimatheo col Jothep cï wët Jethu gam bö. Ku ler tënë Pilato ku thiëc guöp Jethu bi la thiök. Go Pilato lëk apuruuk bik gäm ye. Go Jothep guöp Jethu bëei piny tim kōu ku der alanh yer, ku tēü rañ cï wec kuur yic. Ku loor kuur dittet rañ thok ku jiël. Maria Magdalena ku Maria dēētē aake cï nyuc ke cï kenhïim wël rañ.

Matheo 27.57-61




Nayɔn nhiäk rial aköl Nhialic, ke diäär la raŋ nom kek miök njir cik guir. Ku yökkë alɛl cï raŋ kum nom ke cï laar wei. Nawën lek raŋ yic ke cïi guöp Jethu yök thin. Tëwën këëc kek ke cï gäi, ke rööŋ karou ceŋ alëth yer apeï cï la toptop bö, ku këëckë, kelöm. Go diäär riöc ku gutkë kenhüim piny. Go rööŋ wën luel tënë ke, “Yeŋö ye wek raan pïr bën wic tën koc cï thou? Acïi tö tënë, acï rot jot. Takkë këwäär cï lëk we ëlä wäär noot yen Galilia, lon Manh Raan abi thön koc rec bik piäät tim cï riïu köu, ku abi ben pïr aköl ye nin diäk.” Go diäär wël wäär cï Jethu lëk ke tak.

Luka 24.1-8



Ku jötkë röt nyin yic ku dhukkë Jeruthalem. Ku yökkë kɔc Jethu buɔɔth kathiäär ku tök ku kɔc kök ke cï kenhï im mat, ku lëkkë ke, “Bëny aci rot jot ayic, ka cï rot nyuöth Pïter.” Ku jol kɔc wën bö Emauth karou kë cï rot looi dhël yic teet, tē cï kek bëny njec thïn wën beny yen ayup yic. Wën not jieem kek, ke Bëny bö ku këec kamken ku lueel, “Bï döör arëer ke we.” Gokë pëk wei ku riöockë ëbën ku takkë lon yen atiëp yen yekë tïj. Goke thiëc, “Yeñö riöoc wek? Yeñö ye wek diu lon cïi yen ye ya? Tiënkë yacin! Ku tiënkë yacök, ee yen ayic. Gatkë ya, ku abäk tïj rin atiëp acie la adiöönj ku yom cimën ye wek ke tïj kek ya.”

Luka 24.33-40



Ku lëk ke, “Ayakë tñj të cì ye gät thìn lòn Raan cì lóc ku dɔc, ë bï gum ku jɔt rot raŋ yic aköl ye nin diäk. Ku acì wël cì göt lueel aya lòn dhil kɔc pinyhom ëbën, jɔck Jeruthalem lëk bik kepuõth wël Nhialic, bï käracken päl piny. Wek aacì kakkä tñj ke cì kenhïim tiëŋj.” Nawën ke Jethu jiël ke ke ku lek Bethani. Ku jɔt yecin nhial ku dɔc ke. Tëwën dɔc yen ke, ke jiël tënë ke ku jɔt ë nhial.

Luka 24.46-48 & 50-51

Nhialic anhiar kɔc pinyhom apɛi. Yen agem yen Wenden juɔl, bi raan ebən wətde gam cii mär, ku piirkë akölrïëc ebən. Ku Nhialic akëc Wende tuöc piny bi kɔc bën luök wei, ee rin bi thäi pinyhom pïr ë rienke. Raan gam wətde acii bi luök wei, ku raan ci jai bi wët cii gam aci luök wei, rin këc yen wët Wën tööŋ ë Nhialic gam.

Joon 3.16-18

Na yeku lueel lon yok acin gup adumuööm, ke meth yen aye yok röt math, ku yook aa kuc yiny ci Nhialic nyuöth yo. Ku na lëkku Nhialic lon ci yok käreç looi, ka pël käreç cuk looi piny ku wuuny ke wei yogup buk ben aa kɔc path tənë ye, rin aci lueel lon bi yen kârackua aa päl piny, rin kë ye lueel aye dhiel looi akölaköl.

1 Joon 1.8-9

Go Jethu bëer tənë ye, “Yen ee dhël ku yic ku pïr, acin raan la tənë Wä tē cii yen rienkië.”

Joon 14.6

“Bäk tənë ya ebən, wek kɔc ci jöt yiëth käthiek bäk ke yäac, wek aba cɔl alöŋ. Gamkë piöc dië bäk yith ñic, rin yen acii la ruathruath, yen alir puöu, ku wek aabi wëikun pïr. Rin piöc dië acii ril, apuɔl yic.”

Matheo 11.28-30

Jethu aci kädit jäŋ göi looi kacken ye buoöth nhïim, ku keek aa këc göt athör kënë yic. Ku kakkä aaci göt rin bäk gam lon ye Jethu Wën Nhialic ci loc, ku bäk pïr yök ë rienke tē ci wek gam. Joon 20.30-31

“Ee yen jök ë cök ku yen thök ë kãŋ.”

Nyuuth tənë Joon 22.13

AΩ



Ye röök kënë, kē göör piändu nyuoth? Ku na ye keya, ke yï röök ë ye röök kënë ku Kritho abï bën ë piërdü yic, cï mën cen ye thon:

“Beny Jethu, ʏen, aca yök ke ya ye raan adomum, ku yïn awiëc nē pier dië yic-yïn aca leec nē ke cïn thou tim eirü kou, ku ba adomum kië nyai. Yïn aca leec nē kē ein adomum kië pal piny ku yiek ʏen piir akölriëc eben. Yïn aca caal nē piërdië ke yï ye Duwër kuyë Bëny. Anhadüit Lööm piërdië.”

Text From:
The New Testament in the Dinka Rek language of Sudan, Second Edition
© 2010 Bible League, International

The Afro-Roman Font used to print this work is available from Linguist's Software, Inc.,
PO Box 580, Edmonds, WA 98020-0580 USA
www.linguistsoftware.com

www.goodnewscoloringbook.org

Dinka Rek

